

L'ambulatore dl dotur Ed. Agreiter sarà stlüt en jöbia, ai 30 d'auri, domisdé.

COMUN: Lîtes de Comun en domënia ai 10 de ma, dales 7.00-21.00. **Chertes da lité timbrades 18 iadi** ne vel nia plü y mëss gní fates atira danü te comun.

SAN MARTIN Y LUNGIARÜ

Dessëgn nü dla plata dles ploanies San Martin y Lungiarü: Le ciampañi cun les ciampanes che chërda adöm la jënt y che mostra sö pert é n sëgn marcant de nüsc païsc. L'alté cun l'ambo é le post amez de nostes comunités cristianes da chël che ares ciafa spëisa y vita. I sun peres vies dla ciasa de Dî y mëmbri dl Corp de Crist.

SAN MARTIN: L'Assoziaziun Turistica inviëia en sabeda (02/05) dötes les uniuns dl paisc (Club Seniors, Consëi Cöra, Cor Dlijia, Grup Jogn, Joneza Paur, KVV, Musiga Jogn, Musiga, Stödäfüch, Artejans, Iagri, Pëiapesc, Sport, Uniun Èi y Ères, Guant Zacan) y interessá da **daidé romené sö le paisc**. I s'incuntun tl ciamp dl sport dales 13.30 olach'al vëgn partí sö i laurs. Dedó griliada por i partezipanc.

LUNGIARÜ: **Indunada de informaziun dla SVP Lungiarü** en domënia, ai 3 de ma, dales 10.00, tl salf dl paisc cun l'ass, y surast, dla SVP Philipp Achammer, cun l'ass. Florian Mussner y le parlamentar Daniel Alfreider. Düc é bel inviá.

La Uniun Stödäfüch da Lungiarü inviëia düc chi che à daidé pro la festa di morins y la segra 2014 a **marëna ia tla ütia dles manif.** en domënia (03/05) dales 12.00.

L'Uniun dl Sport San Martin mët a jí, tl ciamp Pradel a San Martin, dai 28 d'auri cina mez jügn, tres le dedolönesc y la jöbia dales 16.30 ales 18.00, n curs d'**atletica lisiera cun Alex Verginer** por mitans/mituns dla scora elementara y mesana de döta la Val Badia. Al gnará insigné les disciplines fondamentales dl'atletica. Aladô di partezipanc gnaral fat deplü sezziuns. Info y prenot. pro Alex 334 35 01 175.

L'Uniun dl Sport da San Martin mët a jí n **curs de ginastica de condiziun** y coordinaziun cun Gertrud Oberbacher. Le curs mët man ai 5 de ma, dales 19.30 tla palestra da San Martin. Al döra 6 iadi y le cost é de 50,00 € + cherta d'iscriziun al'Uniun dl Sport. Iscriziun le pröm dé te palestra. Infos pro Maria 339 62 11 647.

La Comunité Comprensoriala Val de Puster scrí fora n concurs publich por titui y ejams o tres mobilité por 3 posc a tēmp indeterminé por personal da puzené cualifiché/inservient tla 2^a cualifica:

- 2 posc a tēmp parzial (60% y 30%) resservà al grup linguistich todësch y
- **1 post a tēmp parzial (50%)** resservé al grup linguistich ladin (Spona a Pidro).

Les domandes é da dé jö cina dedemesaledema, 29 de aurí 2015, dales 12.00.

Informaziuns 0474 412 942 - personalamt@bzgpust.it

Dé de formaziun por parënë y amisc de **porsones cun problems psichics**, ai 8 de má, dales 8.15 ales 13.00, tl Zënter Pastoral dlungia le Dom a Balsan „Seelisch gesunden – ich werde aktiv“. Por tó pert mësson s'anunzié cina ai 30 d'aurí, pro Verband Angehöriger und Freunde psychisch Kranker 0471 260 303 o e-mail info@selbsthilfe.it.; cost 20 euro.

Döt le bun a chi che complësc i agn de ma

a San Martin: Nina Rubatscher Tolpeit che nen complësc 85 al 1
Zita Prada Planatscher che nen complësc 80 ai 5
Pio Baldissera che nen complësc 86 ai 8

a Lungiarü: Cecilia Daporta Pezzei che nen complësc 88 ai 8



internet: www.valbadiaonline.com

Plata dles Ploanies San Martin y Lungiarü

siur **Iaco Ploner** 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194


26.04 - 03.05.2015 nr. 22

termo da publiché: jöbia 20.00
radio: 90,40 / 93,70

4^a DOMËNIA DE PASCA / Domënia dles Vocaziuns

Vangele: Jan 10,11-18

Iö sun le bun famëi;
iö conësci i mi,
y i mi conësc mè,
sciöche le Pere conësc mè
y iö conësci le Pere;
y iö dà ca mia vita por les bises.
I à ciamò d'atres bises,
che n'é nia fora de chësta stala;
inçe chëres mëssi condüje
y ares ascutarà mia usc;
spo saral mâ un n pastorëc y un n famëi.



Famëi dles bises n'é bëgn plü degügn che ô diventé, te posc olach'ares é dotalann alaleria, da vigni tēmp, apëna plü pastöra, y lapró n püre paimënt. Le sindacat di famëis dles bises se tēm che so mistier, plü de 1000 agn vedl, spariará, cun de burtes conseghënzes por la flora y la fauna dles pastöres.

Ester famëi n'é nia n mistier sciöche d'atri, an mëss le fá ion y sté lapró. Les bises ne scona nia le famëi; por la fan y la sëi dl pastorëc ál de y nôt da fá. Le famëi é so fant y mëss ester demeztrú dan man.

N te' famëi é Gejú. Al se mët a sorvisc y se lascia lié dala fan y dala sëi dles bises. Al conësc les sëmenes che les pascentëia y les abëra. Y al é chiló sce les bises é al prigo, deach'al ti ô bun a so tlap.

Tan bel, ch'i ne sun nia te sü edli ma de püri tiers, mo le contignü de süa vita.

Te nosc monn da incö sunse gonot pordüs fora y ne savun nia olá ia. Porchël orunse perié do de bugn famëis: proi, incundadus dla parora de Dî, catechisc, acompagnadus tla preparaziun ai sacramënc, geniturs che vir dant la fede, ëi y ëres y jogn che dá testimonianza de vita cristiana.

	SAN MARTIN		LUNGIARÜ
26.04.15 4^a Domènia de Pasca <i>Domènia dles vocaziuns</i>	9.00 Corona 9.30 Gran Mëssa dla Comunità <i>y festa di maridá iubilars</i> 14.00 Prozesciun da San Linert sö Oies	26.04.15 Domènia	7.55 Corona 8.15 Gran Mëssa dla Comunità 14.00 Prozesciun da San Linert sö Oies
27.04.15 Lönesc <i>Pire Canisius, Zita</i>		27.04.15 Lönesc	
28.04.15 Dedolönesc <i>Pire Chanel, Ludwig, Vitalis,</i>	15.00 Mëssa sö Ju vis y + + benefaturs dla capela + + Clement, Ju + Stina Conrater 20.00 Sentada dl consëi de cöra	28.04.15 Mertesc	
29.04.15 Dedemesaledema <i>Catarina da Siena, Roswitha, Robert</i>		29.04.15 Mercui	7.30 Mëssa + Teresa Daverda + Costantino Mischí + Sisto Clara + Anna Chiusura
30.04.15 Jöbia <i>Pio V., Hilda, Rosamunde, Bernhard</i>	7.30 Mëssa di scholars en onú dl Cör de Gejú + Jan Mühlmann + Erich Ties Corona por vocaziuns	30.04.15 Jöbia	
01.05.15 Vëndres <i>Ujöp Laurant</i> <i>Agostin, Arnold, Maximilian</i> pröm vëndres	19.00 Adoraziun chîta 19.00 Zelebrazion dla Parora de Dî	01.05.15 Vëndres	7.30 Mëssa tla capela da Seres + + benefaturs dla capela + Sisto Clara + Angela Costa Nagler
02.05.15 Sabeda <i>Atanase, Sigismund</i>	15.30 Mëssa tla Ciasa de Palsa 18.30 Mëssa prefestia en onù de Sant Ujöp Freinademetz families de Maria Zingerle, Col aniv. Rungger Erwin	02.05.15 Sabeda	20.00 Mëssa prefestia 2 ^a de sopoltöra de Davide Daporta + siur Heinrich Videsott + + Fonjo y Zilia Mischi
03.05.15 5^a Domènia de Pasca	8.40 Prozesciun de San Florian a Picolin 9.30 Gran Mëssa dla Comunità 11.00 Bato de Matî Tolpeit y Leo Keim	03.05.15 Domènia	7.55 Corona 8.15 Gran Mëssa dla Comunità y benedisciun di auti nüs